

Denen Ehrnuesten / Wolge-
lerten / Ersamen vnd Weisen Herrn / N. Rich-
ter vnd Rath der Statt Rom Newburg in Osterreich /
Seinen großgünstigen Herren vnd guten Freunden/
wünscht von Gott Hail vnd ein glückseli-
ges Neues Jahr.

Paulus Fabricius, Der Erkney Doctor / Röm.
Kay. Mt. R. Mathematicus.

In fleißiger vnd je öfter ich mich / Ehrnueste / Wolgeler-
te / Ersame Herren / erinnere vnd zu gemüt führe die grossen Wohlhas-
ten / mit welchen Gott der Allmechtige die Christenheit diser zeit / in
dem begnadet vnd gesegnet hat / das er allerley Sprachen vnd Künst /
welche zu disem leben / vnd zu bonis literis & disciplinis liberalibus, das
ist / zum studiern vnd der Lehr nothwendig gehören vnd hoch nutzbar
sein / vnd da solches alles auch vnser Teutschland berürt / hat dasselb in et-
lichen noch ein vbersflüßige gnade bekoffen / sonderlich in Mathematicis
darinnen die Astronomia / das ist / die hochlöbliche Kunst von des Him-
mels vnd der Stern Lauff nicht die wenigste diser zeit bey ihnen / als
vorhin nie bey keiner Nation hoch gestigen ist (Geometriam vnd Arith-
meticam haben wir zum maissen von den Alten) so ist auch die Geodæsia
vnd Mechanica bey den Teutschen so hoch herfür kommen / daß sie nicht
allein andere Nationen von ihnen angenommen / vnd da sie etwas in
etlichen dingen daran gebessert / doch den grund / rechte form vnd übung
erstlich daruon abgenommen. Derohalb ihnen vmb den anfang vnd
das Werck zu danken haben. Solches alles da wirs erkennen / ist bil-
lich das wir Gott darumb loben / vnd bitten daß er solches erhalte vnd
mehrere. Ich köndte von der Truckerey / Büchsen / Geschüt / vnd vilen
der gleichen vil exempel in Mechanicis einziehen / wolt auch vonn der
Astronomia vil zuschreiben haben / aber die zeit will es allhie nicht ley-
den / so ist die Astronomia so hoch bey Alten vnd jetzigen / in Heyligen
vnd Haidnischen Schrifften gelobet / daß sie sich an ihr selbs herzlich gnug-
sam

sam rühmen mag. So hat sie ober diß alles dieser zeit bey denen / die
es versichen / vil mehr rühmlichen zustand. Weil ich aber auff dñ
1586. Jahr Amtes halber Calender vnd darzu gehörige sachen auß
gehen lasse / welche auß der Astronomia herfließen / habe ich dieselben
E. Ernuest vnd Ersamen Weyßhaff / als aller guten Künfft Verstän
digen Liebhabern in öffentlichen Truck zuerschreiben wollen / der gewiße
sen zuuersicht / dieselben werden es im besten annemen. Hiemit Gott
mit vns allen. Datum Wienn 1585. den ersten Julij des redi
cierten Calenders.